

黃帝內經素問

二十二

二十三

二十四

重廣補注黃帝內經素問卷第二十一

啟玄子次注林億孫奇高保衡等奉敕校正孫兆重改誤

至真要大論篇第七十四

黃帝問曰五氣交合盈虛更作余知之矣六氣分治

司天地者其至何如

五行主歲歲有少多故曰盈虛更作也天元紀大論曰其始也有餘而往不足隨之不足而往

有餘從之則其義也天分六氣散生太虛三之氣司天終之氣監地天地生化是為大紀故言司天地者餘四可知矣

岐伯再拜對

曰明乎哉問也天地之大紀人神之通應也

天地變化人神運為中外

雖殊然其通應則一也

帝曰願聞上合昭昭下合冥冥奈何岐伯曰

此道之所主工之所疑也

不知其要流散無窮

帝曰願聞其道也岐

伯曰厥陰司天其化以風

飛揚鼓拆和氣發生萬物榮枯皆因而化變成敗也

少陰司天

其化以熱

炎蒸鬱燠故庶類蕃茂

太陰司天其化以濕

雲雨潤澤津液生成

少

陽司天其化以火

炎熾赫烈以燥寒災

陽明司天其化以燥

乾化以行物無

濕太陽司天其化以寒

對陽之化也新校正云詳注云對陽之化陽字疑誤

以所臨藏位

命其病者也

肝木位東方心火位南方脾土位中央南方及四維肺金位西方腎水位北方是五藏定位然六氣御五運所至氣不相

得則病相得則和故先以六氣所臨後言五藏之病也

帝曰地化奈何岐伯曰司天同候

間氣皆然

六氣之本自有常性故雖位易而化治皆同

帝曰間氣何謂岐伯曰司

左右者是謂間氣也

六氣分化常以二氣司天地為上下吉凶勝復客主之事歲中悔吝從而明之餘四氣散居左

右也故陰陽應象大論曰天地者萬物之上下左右者陰陽之道路此之謂也

帝曰何以異之岐伯曰主

歲者紀歲間氣者紀步也

歲三百六十五日四分日之一步六十日餘八十七刻半也積步之日而成歲

也帝曰善歲主奈何岐伯曰厥陰司天為風化

已亥之歲風高氣遠雲飛

物揚風之化也

在泉為酸化

寅申之歲木司地氣故物化從酸

司氣為蒼化

木運之氣丁壬之歲化蒼青也

間氣為動化

徧主六十日餘八十七刻半也陰為初之氣子午之歲為二之氣辰戌之歲為四之氣卯酉

新校正云詳丑未之歲厥

之歲為五之氣

少陰司天為熱化

子午之歲陽光燿燿暄暑流行熱之化也

在泉為苦化

卯酉之歲

火司地氣故物以苦生

不司氣化

君不主運君火以名相火以位謂君火不主運也

新校正云按天元紀大論云

居氣為

灼化

六十日餘八十七刻半也居本位君火為居不當間之也詳少陰不曰間氣而云居氣者蓋尊君火無所不居不當間之也王注

新校正云

云居本位為居不當間之則居他位不為居而可間也寅申之歲為初之氣丑未之歲為二之氣已亥之歲為四之氣辰戌之歲為五之氣也

太陰

司天為濕化

丑未之歲埃鬱濛昧雲雨潤濕之化也

在泉為甘化

辰戌之歲也土司地氣故甘化先焉

司

氣為齡化

土運之氣甲巳之歲齡黃也

間氣為柔化

濕化行則庶物柔稟正云詳太陰卯酉之歲為初

新校

之氣寅申之歲為二之氣子午之歲為四之氣已亥之歲為五之氣

少陽司天為火化

寅申之歲也炎光赫烈燔灼焦然火之化

也

在泉為苦化

已亥之歲也火司地氣故苦化先焉

司氣為丹化

火運之氣戊癸歲也

間氣為

明化

明炳明也亦謂霞燒 新校正云詳少陽辰戌之歲為初之氣 卯酉之歲為二之氣寅申之歲為四之氣丑未之歲為五之氣 陽明

司天為燥化

卯酉之歲清切高明 霧露蕭瑟燥之化也

在泉為辛化

子午之歲也金司 地氣故辛化先焉

司氣為素化

金運之氣 乙庚歲也

間氣為清化

風生高勁草木清冷清之化也 新校正云詳陽明已亥之歲為

初之氣辰戌之歲為二之氣寅申之歲為四之氣丑未之歲為五之氣

太陽司天為寒化

辰戌之歲嚴蕭 峻整慘慄凝堅

寒之化也

在泉為鹹化

丑未之歲水司 地氣故化從鹹

司氣為玄化

水運之氣 丙辛歲也

間氣為

藏化

陰凝而冷庶物斂容歲之化也 氣已亥之歲為二之氣卯酉之歲為四之氣寅申之歲為五之氣也

新校正云詳子午之歲太陽為初之

故治病者必明六化分治五味五色所生五藏所宜

迺可以言盈虛病生之緒也

學不厭 備習也

帝曰厥陰在泉而

酸化先余知之矣風化之行也何如歧伯曰風行于

地所謂本也餘氣同法

厥陰在泉風行于地少陰在泉熱行于地太 陰在泉濕行于地少陽在泉火行于地陽明

在泉燥行于地太陽在泉寒行于地故
日餘氣同法也本謂六氣之上元氣也本乎天者天之氣也本乎

地者地之氣也
化於天者為天氣化於地者為地氣 新校正云按易曰本乎天者親上本乎地者親下此之謂也天

地合氣六節分而萬物化生矣
萬物居天地之間悉為六氣所生化陰陽之用未嘗有逃生化

出陰陽也故曰謹候氣宜無失病機此之謂也
病機下文具也帝曰其

主病何如
言采藥之歲也歧伯曰司歲備物則無遺主矣
謹候司天地所

生化者則其味正當其歲也故彼藥工專司歲氣所收藥物則一歲二歲其所主用無遺略也 今詳前字當作則帝曰先歲物何

也歧伯曰天地之專精也
專精之氣藥物肥膿又於使用當其正氣味也 新校正云詳先歲疑作司歲

帝曰司氣者何如
司運氣也歧伯曰司氣者主歲何然有餘

不足也
五運主歲者有餘不足比之歲物恐有薄有餘之歲藥專精也帝曰非司歲物何謂也歧

伯曰散也
非專精則散氣散氣則物不純也故質同而異等也
形質雖同力用則異故不尚之氣

味有薄厚性用有躁靜治保有多少力化有淺深此

之謂也

物與歲不同者何以此爾

帝曰歲主藏害何謂歧伯曰以所不

勝命之則其要也

本不勝金金不勝火之類是也

帝曰治之奈何歧伯曰上

淫于下所勝平之外淫于內所勝治之

淫謂行所不勝已者也上淫于下天之氣

也外淫于內地之氣也隨所制勝而以平治之也制勝謂五味寒熱溫涼隨勝用之下文備矣

新校正云詳天氣生歲雖有淫勝但當平調之故不曰治而

曰平也帝曰善平氣何如

平謂診平和之氣

歧伯曰謹察陰陽所在而

調之以平為期正者正治反者反治

知陰陽所在則知尺寸應與不應不知陰陽所

在則以得為失以逆為從故謹察之也陰病陽不病陽病陰不病是為正病則正治之謂以寒治熱以熱治寒也陰位已見陽脈陽位又見陰脈是謂反病則

反治之謂以寒治寒以熱治熱也諸方之制咸悉不然故曰反者反治也

帝曰夫子言察陰陽所在而

調之論言人迎與寸口相應若引繩小大齊等命曰

平新校正云詳論言至曰平本靈樞經之文今出甲乙經云寸口主中人迎主外兩者相應俱往俱來若引繩小大齊等春夏人迎微大秋冬寸口微大者

故各曰陰之所在寸口何如陰之所在脉沉不應引繩齊等其候頗乖故問以明之 歧伯曰

視歲南北可知之矣帝曰願卒聞之歧伯曰北政之

歲少陰在泉則寸口不應木火金水運面北受氣凡氣之在泉者脉悉不見唯其左右之氣脉可見之在泉之氣善

則不見惡者可見病以氣及客主淫勝名之在天之氣其亦然矣 厥陰在泉則右不應少陰在右故 太陰

在泉則左不應少陰在左故 南政之歲少陰司天則寸口不應

土運之歲面南行令故少陰司天則二寸口不應也 厥陰司天則右不應太陰司天則

左不應亦左右義也 諸不應者反其診則見矣不應皆為脉沉脉沉下者仰手而沉覆其手則沉為

浮細為大也 帝曰尺候何如歧伯曰北政之歲三陰在下則

寸不應三陰在上則尺不應司天曰上在泉曰下 南政之歲三陰在

天則寸不應三陰在泉則尺不應左右同

天不應寸左右悉與寸不應義

同故曰知其要者一言而終不知其要流散無窮此之

謂也

要謂知陰陽所在也知則用之不惑不知則尺寸之氣沉浮小大常三歲一差欲求其意猶遶樹問枝雖白首區區尚未知所詣況其旬月而

可知

帝曰善天地之氣內淫而病何如歧伯曰歲厥陰

在泉風淫所勝則地氣不明平野昧草迺早秀民病

洒洒振寒善伸數欠心痛支滿兩脇裏急飲食不下

高咽不通食則嘔腹脹善噫得後與氣則快然如衰

身體皆重

謂甲寅丙寅戊寅庚寅壬寅甲申丙申戊申庚申壬申歲也氣不明謂天圍之際氣色昏暗風行地上故平野皆然昧謂暗也

脅謂兩乳之下及肱外也伸謂以欲伸努筋骨也

新校正云按甲乙經洒洒

振寒善伸數欠為胃病食則嘔腹脹善噫得後與氣則快然如衰身體皆重為脾病飲食不下高咽不通邪在胃脘也蓋厥陰在泉之歲木王而剋脾胃故病如是又按脉解云所謂食則嘔者物盛滿而土溢故嘔也所謂得後與氣則快

然如衰者十二月陰氣下衰而陽氣且出故曰得後與氣則快然如衰也歲少陰在泉熱淫所勝則焰

浮川澤陰處反明民病腹中常鳴氣上衝胸喘不能

久立寒熱皮膚痛目瞑齒痛頤腫惡寒發熱如瘧少

腹中痛腹大蟄蟲不藏謂乙卯丁卯巳卯辛卯癸卯乙酉丁酉己酉辛酉癸酉歲也陰處北方也不能久立足無力也腹大謂心氣不足也金火相薄而為是也新校正云按甲乙經齒痛頤腫為大腸病腹中雷鳴氣常衝胸喘不能久立邪在大腸也蓋少陰在泉之歲火刺金故

大腸病也歲太陰在泉草乃早榮新校正云詳此四字疑衍濕淫所勝則埃

昏巖谷黃反見黑至陰之交民病飲積心痛耳聾渾

渾痺痺隘腫喉痺陰病血見少腹痛腫不得小便病

衝頭痛目似脫項似拔腰似折髀不可以回羈如結

肫如別謂甲辰丙辰戊辰庚辰壬辰甲戌丙戌戊戌庚戌壬戌歲也太陰為主色見應黃於天中而反見於北方黑處也水土同見故曰至陰之

肫如別

交合其氣色也衝頭痛謂腦後眉間痛也腦謂膝後曲脚之中也腦斷後軟肉處也 新校正云按甲乙經耳聾渾渾惛惛噎噎喉痺為三焦病為病衝頭痛目似脫項似拔腰似折髀不可以回腦如結腦如列為膀胱足太陽病又小歲腹腫痛不得小便邪在三焦蓋太陰在泉之歲土正剋太陽故病如是也

少陽在泉火淫所勝則焰明郊野寒熱更至民病注

泄赤白少腹痛溺赤甚則血便少陰同候 謂乙巳丁巳巳巳辛巳癸巳乙巳

亥丁亥己亥辛亥癸亥歲也處寒之時熱更其氣熱氣既往寒氣後來故云更至也餘候與少陰在泉正同 歲陽明在泉燥

淫所勝則霧霧清暝民病喜嘔嘔有苦善大息心脇

痛不能反側甚則噎乾面塵身無膏澤足外反熱 謂甲子丙子

子戊子庚子壬子甲午丙午戊午庚午壬午歲也霧霧謂霧暗不分似霧也有薄寒也言霧起霧暗不辨物形而薄寒也心脇痛謂心之傍脇中痛也面塵身面上如有觸冒塵土之色也 新校正云按甲乙經病喜嘔嘔有苦善大息心脇痛不能反側甚則面塵身無膏澤足外反熱為膽病噎乾面塵為肝病蓋陽明在泉之歲金王剋木故病如是又按脉解云少陽所謂心脇痛者言少陽盛也盛者心之所表也九月陽氣盡而陰氣盛故心脇痛所謂不可反側者陰氣

藏物也物藏則不動故不可反側也歲太陽在泉寒淫所勝則凝肅慘慄民病

少腹控睪引腰脊上衝心痛血見噎痛頷腫謂乙丑丁丑已丑辛丑癸

丑乙未丁未巳未辛未癸未歲也凝肅謂寒氣靄空凝而不動萬物靜肅其儀形也慘慄寒甚也控引也睪陰丸也頷頰車前牙之下也新校正云按甲乙

經噎痛頷腫為小腸病又少腹控睪引腰脊上衝心帝曰善治之奈何肺邪在小腸也蓋太陽在泉之歲水剋火故病如是

歧伯曰諸氣在泉風淫于內治以辛涼佐以苦以甘

緩之以辛散之風性喜溫而惡清故治之涼是以勝氣治之也佐以苦隨其所利也水苦急則以甘緩之苦抑則以辛散之藏

氣法時論曰肝苦急急食甘以緩之肝欲散急食辛以散之此之謂也食亦音飼已曰食他曰飼也大法正味如此諸為方者不必盡用之但一佐二佐病已

則止餘氣皆然熱淫于內治以鹹寒佐以甘苦以酸收之以苦

發之熱性惡寒故治以寒也熱之大盛甚於表者以苦發之不盡復寒制之寒制不盡復苦發之以酸收之甚者再方微者一方可使必已時發時

止亦以酸收之濕淫于內治以苦熱佐以酸淡以苦燥之以淡

泄之

濕與燥反故治以苦熱佐以酸淡也燥除濕故以苦燥其濕也淡利竅故以淡滲泄也藏氣法時論曰脾苦濕急食苦以燥之靈樞經曰淡利

竅也生氣通天論曰味過於苦脾氣不濡胃氣乃厚明苦燥也新校正云按天元正紀大論曰下太陰其化下甘溫

火淫于內治

以鹹冷佐以苦辛以酸收之以苦發之

火氣大行心腹心怒之所生也鹹性柔稟

故以治之以酸收之大法候其須汗者以辛佐之不必要資苦味令其汗也欲柔稟者以鹹治之藏氣法時論曰心欲稟急食鹹以稟之心苦緩急食酸以收

之此之謂也

燥淫于內治以苦溫佐以甘辛以苦下之

溫利涼性故以

苦治之下謂利之使不得也

新校正云按藏氣法時論曰肺苦氣上逆急食

苦以泄之用辛寫之酸補之又按下文司天燥淫所勝佐以酸辛此云甘辛者

甘字疑當作酸天元正紀大論云下酸熱與苦溫之

治又異又云以酸收之而安其下甚則以苦泄之也

寒淫于內治以甘

熱佐以苦辛以鹹寫之以辛潤之以苦堅之

以熱治寒是為摧勝折其

氣用令不滋繁也苦辛之佐通事行之

新校正云按藏氣法時論曰腎苦燥

急食辛以潤之腎欲堅急食苦以堅之用苦補之鹹寫之舊注引此在濕淫于

內之下無義

帝曰善天氣之變何如岐伯曰厥陰司天風

今移於此矣

淫所勝則太虛埃昏雲物以擾寒生春氣流水不冰
民病胃脘當心而痛上支兩脇鬲咽不通飲食不下
舌本強食則嘔冷泄腹脹澹泄痼水閉蟄蟲不去病

本于脾

謂乙巳丁巳巳巳辛巳癸巳乙亥丁亥巳亥辛亥癸亥歲也是歲民

病集於中也風自天行故太虛埃起風動飄蕩故雲物擾也埃青塵
也不分遠物是爲埃昏土之爲病其善泄利若病水則小便閉而不下若大泄
利則經水亦多閉絕也 新校正云按甲乙經舌本強食則嘔腹脹澹泄痼水
閉爲脾病又胃病者腹脾脹胃脘當心而痛上支兩脇隔
咽不通食飲不下蓋厥陰司天之歲木勝土故病如是也 衝陽絕死不治
衝陽在足跗上動脈應手胃支氣也衝陽脈微則食飲減少絕則藥食不入亦
下溢還出也攻之不入養之不生邪氣日強真氣內絕故其必死不可復也

少陰司天熱淫所勝怫熱至火行其政民病胸中煩
熱隘乾右胠滿皮膚痛寒熱欬喘大雨且至唾血血
泄衄衄嚏嘔溺色變甚則瘡瘍肘腫肩背臂臑及缺

盆中痛心肺臄腹大滿膨膨而喘欬病本于肺

謂甲子丙

子戊子庚子壬子甲午丙午戊午庚午壬午歲也怫熱至是火行其政乃爾是歲民病集於右蓋以小腸通心故也病自肺生故曰病本于肺也

新校正云

按甲乙經溺色變肩背臂臄及缺盆中痛肺脹滿膨膨而喘欬為肺病臄臄為大腸病蓋少陰司天之歲火剋金故病如是又王注民病集於右以小腸通心

故按甲乙經小腸附脊左環回腸附脊在環所說不應得非火勝剋金而大腸病歟

尺澤絕死不治

尺澤在肘內廉大文中動脉應

手肺之氣也火爍於金承大之命金氣內絕故必危亡尺澤不至肺氣已絕榮衛之氣宣行無主真氣內竭生之何有哉

太陰司天濕

淫所勝則沈陰且布雨變枯槁肘腫骨痛陰痺陰痺

者按之不得腰脊頭項痛時眩大便難陰氣不用飢

不欲食欬唾則有血心如懸病本于腎

謂乙丑丁丑己丑辛丑癸丑乙未丁未己

未辛未癸未歲也沉久也腎氣受邪水無能潤下焦枯涸故大便難也

新校

正云按甲乙經飢不用食欬唾則有血心懸如飢狀為腎病又邪在腎則骨痛

陰痺陰痺者按之而不得腹脹腰痛大便難肩背頸項強痛時眩蓋太陰司天之歲土剋水故病如是矣

太谿絕死不治

太谿在足

內踝後跟骨上動脈應手腎之氣也上邪勝水而腎氣內絕邪甚正微故方無所用矣

少陽司天火淫所勝則

溫氣流行金政不平民病頭痛發熱惡寒而瘧熱上

皮膚痛色變黃赤傳而為水身面肘腫腹滿仰息泄

注赤白瘡瘍欬唾血煩心胸中熱甚則鼽衄病本于

肺謂甲寅丙寅戊寅庚寅壬寅甲申丙申戊申庚申壬申歲也火來用事則金氣受邪故曰金政不平也火炎於上金肺受邪客熱內燔水無能救故化生

諸病也制火之客則已矣新校正云按甲乙經邪在肺則皮膚痛發寒熱蓋少陽司天之歲火剋金故病如是也天府絕死不治

天府在肘後彼側上掖下同身寸之三寸動脈應手肺之氣也火勝而金脈絕故死陽明司天燥淫所勝則木

迺晚榮草迺晚生筋骨內變民病左胠脇痛寒清于

中感而瘧大涼革候欬腹中鳴注泄驚澹名木斂生

苑于下草焦上首心脇暴痛不可反側噎乾面塵腰

痛丈夫癰疽婦人少腹痛日昧背瘍瘡瘰癧蟄虫蚘來

見病本于肝

謂乙卯丁卯巳卯辛卯癸卯乙酉丁酉巳酉辛酉癸酉歲也金勝故草木晚生榮也配於人身則筋骨內應而不用也大

涼之氣變易時候則人寒清發於中內感寒氣則為瘰癧也大腸居右肺氣通之今肺氣內淫肝居于左故左肘脇痛如刺割也其歲民自注泄則無淫勝之疾也大涼次寒也大涼且甚陽氣不行故木容收斂草榮悉晚生氣已升陽不布令故閉積生氣而穡於下也在人之應則少腹之內痛氣居之發疾於仲夏瘡瘍之疾猶及秋中瘡瘰之類生於上癰腫之患生於下瘡色雖赤中心正白物氣之常也新校正云按甲乙經腰痛不可以俛仰丈夫癰疽婦人少腹腫甚則監乾面塵為肝病又胸滿洞泄為肝病又心脇痛不能反側目銳背痛缺盆中腫痛掖下腫馬刀挾癰汗出振寒瘡為臍病蓋陽明司天之歲金剋水故病如是又按脉解云厥陰所謂癰疽婦人少腹腫者厥陰者辰也三月陽中之陰邪在中故曰癰疽少腹腫也

太衝在足大指本節後二寸脉動應手肝之氣也金來伐木肝氣內絕真不勝邪死其宜也

太陽司天寒淫所勝

太衝絕死不治

則寒氣反至水且冰血變于中發為癰瘍民病厥心痛嘔血血泄欬衄善悲時眩仆運火炎烈雨暴迺雹